

TENTAMEN PHYSIOLOGICUM  
 INAUGURALE  
 DE  
 SOMNO ET VIGILIA:

QUOD,

ANNUENTE SUMMO NUMINE,

*Auctoritate Dignissimi Vice-Cancellarii,*

GULIELMI LEECHMAN, S. S. T. P. P.

ET COLLEGII GLASG. PRAEFECTI;

NEC NON

*Amplissimi SENATUS ACADEMICI Consensu,*

*Et Nobilissimae FACULTATIS MEDICAE Decreto;*

PRO GRADU DOCTORATUS,

SUMMISQUE IN MEDICINA HONORIBUS ET PRIVILEGIIS  
 RITE AC LEGITIME CONSEQUENDIS;

Eruditorum examini subjicit

JOHANNES BLAIR, HIBERNUS.

AD DIEM VIII JUNII, HORA XII, MERIDIANA,

LOCOQUE SOLITO.

GLASGUAE:

IN AEDIBUS ACADEMICIS

EXCUDEBANT ROBERTUS ET ANDREAS FOULIS,

ACADEMIAE TYPOGRAPHI,

M.DCC.LXXV.



Digitized by the Internet Archive  
in 2019 with funding from  
Wellcome Library

<https://archive.org/details/b30790712>

Patri suo optimo,

Et in aeternum venerando,

A D A M O B L A I R, V. D. M.

In Regis comitatu in Hibernia degenti.

Nec non,

Viris eximiis,

T H O M A E H A M I L T O N,

Anatomiae et Botanices.

Et

A L E X A N D R O S T E V E N S O N,

Medicinae institutionum, ac usus,

In Academia Glasguensi,

Professoribus celeberrimis.

Illi, pietatis,

His observantiae,

Animi haud ingrati testimonium parvulum,

Haec quantulascunque studii sui primitias

Sacras voluit

A U C T O R.



# TENTAMEN PHYSIOLOGICUM

D E

## SOMNO ET VIGILIA.

**M**A TERIAM dissertationis sequentis, de Somno et Vigilia investigationem, quae tot illustres physiologiae cultores frustra implicavit, aliquatenus novum elegisse videatur; alios tamen in conatibus frustratos fuisse a proposito non omnino nos deterere, sed magis ad investigationes prosequendas incitare debet. Sed re vera haud errores permultos praevideram, in quos ratiocinatio, nec experimento nec facto ducta in physiologiae partibus diversis, et in nulla magis quam hac, nos ducere tendit. Hisce autem difficultatibus non deterritus, sed potius incitatus, argumentum sequentis, pro viribus tractare conatus sum; talis naturae illud autumans, qualis, ut ejus notitia, systematis nervosi theoriam aliquatenus confirmaret. Disputationes Metaphysicas, quantumcunque potui per totum vitavi, (in quas at-

tamen frequentissime fere illicitus fui) meipsum cohibens argumentationi ex facto deductae, quod scientiae fundamentum est unicum stabile.

Si Doctrinam qua totum hoc construitur mihi vendicarem, vel si non suum cuique darem, arrogans nec injuria existimarer; e contrario vero, celeb. Culleno non tantum pro hoc, verum etiam pro multis aliis, me obligari, gratè agnosco, et si vestigia ejus prosequendo, ratiocinatio mea aut ad rei elucidationem, vel ad occultarum rerum indagationem aliquid conferret meipsum ter remuneratum aestimabo.

A primis vitae temporibus, lege naturae constituta, mutationibus certis, systema animale obnoxium esse observamus, vel vicissitudines alternas somni et vigiliae subire, accommodari, quae certis temporibus, vi manifeste consuetudinis reverti consuecunt. Nam quanquam in statu infantili, hae frequentius alternant, tamen prout aetas provehit, in hoc aequè ac in multis aliis, systema usui inservit.

Si genus humanum in hoc statu respiciamus quo naturam prosequi propensum est, somni paroxysmum quotidie, et forsitan periodice reverti invenie-



mus. Sed prout luxuria in mundum obrepfit, sic hoc primum naturae institutum gradatim subverfum erat, et fomni accessum, intemperantiae omni specie arceri compertum est; hinc nobis concludere licet, usum, operationes systematis omnes in dirigendo potentissimum esse, quod multo magis illustrent sequentia.

Ad corpus humanum sustentandum, intra stadium lunare, fami prorsus necessarium est indulgere, quae aetate minoribus frequentissime revertitur, sed prout aetas provehit, alimenti desiderium pro egestis est, quae evidenter minuuntur, et ad famem indulgendam, convenientiae forsitan causa, certa assignantur tempora; sed si post longam consuetudinem, quisquis hoc tempus anticipare vel postponere vellet, fames tanta tunc non aderit, quanta, hora media. Exempla non tantum complura, verum etiam argumenta ad hoc confirmandum adduci queunt, sed unum ut magis ad rem sufficiet.

Occasionem posthac demonstrandi habebimus, somnum ex sensuum torpitudine pendere; sed si quis e lecto diluculo surgere assuetus, somnum matutinum producere unquam optaret, factu non

facile inveniret, e contrario, probabile est ut prima eum incepta frustrarent, tamen in hoc casu mos est sola systematis gubernatrix, et irritatio mentis.

Ad opiniones philosophorum in hac re diversas, jam nunc transimus.

Cerebri habitus hicce congenitus, ad somni et vigiliae vicissitudines alternas, theorias diversas diversis fuggeffit, et in nihilo magis erravere philosophi. Opinio quae primo illis visa est, ad phaenomena explicanda satis valens, erat compressio cerebri, sanguinis accumulatione in cranio orta, et cerebelli functiones turbans, et ad notionem hanc confirmandam, sequentem esse causam ejus efficientem sorgebant, scilicet, cerebrum, mutationem certam vigilia subire, quae quanquam inexplicabilem, tamen debilitate evidenter concomitatam esse, quae fibras cerebri medullares tam valide afficiebat ut sanguinis e corde transmissi impetum resistere non potuerunt, itaque determinationi ejus occasionem necessario prebere, quae ut supra dixi compressione sua, fluidi nervosi secretioni obstabat. Sed somnus jam nunc ortus, vim systemati reddit sanguinis accumulationi obviam ire necessariam, itaque causa nunc



ablata, effectum cessare oportet et vigilia tenet locum quae pro ratione causarum excitantium, breve vel longum continuat tempus, deinde somno locum dat.

Stahl'si discipuli, qui corporis humani phaenomena, animo referebant omnia sine corporis instrumenti primarii auxilio, arbitrati sunt, animum, causarum propensionem in corpus percipientem, tales excitare conatus, quales, noxias rejicerent; itaque somnum vis naturae conservatricis, noxios vigiliae longae effectus praevidentis, operationem esse affirmant.

Nunc ad tertiam ventum est, quae apud philosophos tam recentiores quam antiquos quam plurimum valebat. Scil. somnum et vigiliam ex mutua exhaustionem, et restitutionem fluidi nervosi ex cerebro secreti et in diversas corporis partes per nervos transmissi pendere.

Opinionibus philosophorum jam enarratis, ad singularum considerationem nunc procedemus, a primo incipiens.

Compressionis fautores, a cadaverum sectioni-

bus, hanc falsam ideam primo recipiebant, et valde probabile est, ut corpora illorum qui comatosi vel apoplectici ante mortem erant selegerint, ut exempla huic hypothese praeconceptione faventia; nam cerebri compressio causa quacunque orta, status hosce producit, qui aliquatenus sunt somno similes, sed essentialiter diversi, et primo a somno differunt naturali mobilitatis gradibus diversis in systemate tunc existentibus, nam in somno, ad impressiones levium irritationum suscipiendas valde idoneum est corpus, in his vero conditionibus, impressionem non ullam suscipit, nisi compressionem dimoverimus, quae est causa efficiens. Generalis Stahliani doctrina quae olim in orbe medico tantum valuit, ex scholis medicinae hodie plerumque, nec injuria, rejicitur. Nam inter corpus et animum, nexus tam validus existit, ut sine cooperatione utriusque, corpus inanimatum fieret. Cerebri mechanismus officiis singulis aptatus adeo nobis latet, ut de vi ista quae systema animat totum nihil accurate dijudicare possumus; sed eatenus conspiciamus, ut si cerebri vim ad ullam corporis partem intercipimus, mentis su-

per illam impulsio omnino subfidit, et vice versa animi affectus, sensorii functiones plurimum turbant.

Quod ad tertiam sententiam attinet, quanquam omnium quas supra memoravimus, palma maxime digna, multis tamen difficultatibus implicata est. Nam maxime inter auctores disputatur an cerebrum officio glandulari nec ne fungitur. et imo ab simile est, quia vis nervosa, non tantum ad motum muscularem, quo cor praeditum est, adeo necessaria, sed cor et cerebrum simul et semel formari concedens, tamen actionem vasorum non tantum ad sanguinis circulationem et formationem, verum etiam ad secretiones omnes recte peragendas adeo necessariam ex nervis pendere ab omnibus concessum est. 2do, Liquorem nervosum sui generis existere concedens, tamen copia nunquam deficere potest quum secretio non fit. 3tio, Somnum frequentissime occurrere observamus cum liquor hicce in corpore valde abundat; e contrario, longè ultra usitatum, vigiliam producere quemus, cum deficere debet. 4to, Causis praevisis, huic opinioni parum credere magis adducemur, quia earum multae status utros-

que inducunt quae in secretione tam subito agere non possent, quinetiam, existimatu perdificillimum est fluidum tanti momenti ad vitam animale[m] tam frequenter exhauri denuoque ex massa sanguinis generali refici posse. Summa, pro facto non possumus habere, quod est solum ingenii valde luxuriosi fructus, itaque est nostra opinio quod omnes notiones supradictae meritò rejici debent ut imaginatione sola sancitae et haud argumentatione nec facto satis tuitae.

Cerebrum quum sit origo sensus, motusque, ad vitam animale[m] fervendam est prorsus necessarium, etiamque vis ejus libera per nervos diversos transmissio cum mobilitate quadam constante ad officium peragendum illos reddit idoneos. Hicce status igitur vigiliam constituit, sed quum irritabilitas talis deficit, qualis motus hos ex cogitatione pendentes suspendit, dum vitales perstant, somnus juste nominatur.

Antea dictis igitur probabile videtur somnum naturalem nec ex cerebri compressione nec ex vis nervosae inopia pendere, sed irritabilitatis defectum, cerebrum primo corripientem et inde per



totum systema nervosum serpentem esse causam efficientem quo stimulis minus idonei affici fiunt. Ut hae vicissitudines quae alternatim systema corripunt sint cerebri affectus primarii hinc patet, somnus enim et vigilia sunt tantum status hi diversi, quibus exercemus vel differimus motus hos ex cogitatione pendentes, quae sensorii officia sunt.

Nunc ad causas perventum est, et liquet quod sequentes vel seorsum vel conjunctim sunt causae somni remotae.

1mo. Irritantium omnium absentia.

2do. Exercitatio vehemens et crebra.

3tio. Frigus.

4to. Animi attentio ad unam sensationem.

5to. Impressiones sedativae.

6to. Cupidinum indulgentia ardentium.

7mo. Exinanitiones nimiae.

Denique quicquid mobilitatem cerebri naturalem minuit, inter somni causas numeretur.

Nunc ad considerationem causarum quas supra memoravimus.

1mo. Irritantium omnium absentia.

Sub hoc genere omnes causas includimus, quae



vel corpori applicantur vel menti repraesentantur. et primo. Mechanica vel chemica omnia vi stimulantur praedita. Secundo. Res omnes quae sensibus obiectae mentis operationem excitant. Vis vitalis a rationali adeo individua, quanquam per totum systema tam late diffusa, tamen ex cerebro originem ducit, ubi quasi volitionis fons, sensationem suscipit, ab impressionibus factis in partibus corporis maxime extremis, et potentia voluntatis, quae in principium vitale animalium more stimuli agit, ad illam partem unde primò trahebat originem vel etiam ad ullam aliam ejusdem vis participantem, impulsus retro communicat. Quum omnes voluntarii motus igitur mentis auctoritatem agnoscunt, et quoniam involuntarii et vitales, quanquam ex rerum habitudine plurimum pendent, tamen quum mentis auctoritatem etiam fatentur, ultra probabile videtur, quòd mens vel vis rationalis quoad systematis motum, aut stimulus, vi mechanica praeditis et in corpus primo agentibus, vel aliqua vi, mentis operationem excitante, in medio aliquo corporis organo penitus gubernetur. Si haec igitur concessa sunt, in liquido est, ut irritantium omnium defectus, tam ex-

ternorum quam horum qui ullo modo mentis actionem producant, somnum necessario efficiet.

2do. Exercitatio vehemens et crebra.

Lege systematis, omne quod corpus nocere tendit, post aliquantulum temporis, statum in illo adversum producit, sic omnis vis nervosae violens excitatio magno collapsûs gradu semper comitata est, et vice versa. Quinetiam manifestum est omnem irritationem vehementem, mutationem talem vi in cerebro existente producere, qualem, ad officium sensus motusque peragendum, illam parum idoneam reddere: nam quanquam corporis mobilitatem pro tempore auget, tamen mentis ac corporis organa labore antecedente fatigata quietem aequè desiderant.

3tio. Frigus.

In conditionibus corporis diversis, diverse agit frigus. Dum vis caloris genialis, in corpore manet aequabilis, frigoris moderati applicatio, diathesim phlogisticam vel tonum systematis auget, in quo calor major generatur; sed cum haecce potentia plus nimio adsit, frigus corpori applicatum sedativos edet effectus. Sed in utroque si frigoris vio-

lenti gradus applicentur principium vitale omnino extinguet, quod in regionibus septentrionalibus frequentissime accidit, et primi ejus effectus sunt tremor, rigor, et alia debilitatis signa, deinde statum aliquatenus somno similem inducit, et postea lethiferum fit, et haec omnia gradatim succedunt, quod evidenter demonstrat, vi sedativa praeditum esse frigus, et vis vitalis affectionem, phaenomenorum omnium causam esse. Sed hoc strenue negatum fuit a quibusdam qui affirmant fluidorum spissitudinem causam esse omnium phaenomenorum, in animalibus, qui frigore hyemali reddita fuerunt torpida, apparentium. Haec opinio die quo morbi omnes fluidis tributi erant, fatis aequa apparebat, sed ad sequelam explicandam hodie minime sufficit. Et imo, Quomodo, causis ullis externis affici possunt fluida, quae eodem tempore vasis continentibus effectus non ederent, determinatu perdifficillimum est. 2do, Hoc vel concessio, si in fluida primò aut solum operatur, vi vitali adhuc superstiti, illa coagulare non possit quia vasorum actio circulationem ultra promoveret. Si experimentis confidere possumus, et illis consentaneum est, ut ad principium vitale incitandum.



prorsus necessarium sit calor, evidenter patebit, frigus opposito frui, quinetiam si statum illum corporis quo torpida praedita sunt indagamus, inveniemus quod caloris moderati applicatio, principium vitale excitabit, et quamprimum fibra muscularis motione potitur, ad cor fluida revertuntur et inde; vires igitur quae somnum primò inducunt lethiferae postea fiunt, ergo gradu tantum discrepant. Ex antea dictis denique colligimus systema nervosum minus irritabile reddere frigus.

4to. Animi attentio ad unam sensationem.

Natura sic constituti sumus ut mens duabus sensationibus eodem tempore adherere non potest, nec sunt omnes tam efficaces ut ab imaginatione exercenda, alias semper excluderent; sed frequentissime accidit, quod una tam efficaciter agit ut ab aliis mentem omnino detrahat, et tunc in statum pene illi similem, stimulis omnino carenti, mentem reducat. Hoc melius illustrabunt facta quam ulla theoria quam in hanc rem afferre possumus. Soni identitas quae attentionem occupat totam ad somnum producendum est omnium efficacissima quod in multis optimè illustratum, et nutricibus bene no-

tum est quod ad somnum infantibus conciliandum, cantatione vel lallo nihil magis efficax fit; inter has fontis murmurationem apiumque bombum etiam enumeremus; cujus vi, poeta Virgilius, cum eleganter sequentibus mentem enuntiavit tangi videtur.

‘ Hyblaeis apibus florem depasta salicti,

‘ Saepe levi somnum faudebit inire susurro.

gto. Impressiones sedativae.

Sub hoc capite includuntur animi aegritudo, metusque, cum medicamentis quibusdam. Quomodo hi animi affectus somnum producant prorsus incertum est, sed in multis fatis constat; maestitia violenta aequae ac metus, quanquam primò animum distrahendo, igiturque plurimas ideas excitando, irritant vel vigiliae indulgent: tamen post certum tempus hoc modo agere cessant, et aliis irritamentis similes, in systemate non solum magnam relinquunt debilitatem et pro irritationis rata ratione, verum etiam ad unicae sensationis effectum redigitur mens, ergo ad irritamentorum absentiam appropinquat, quod jamjam exponere ausi sumus. Medicamenta quae hic leviter attingemus sunt opium, alcohol, et alia quorum vis sedativa stimulantem superat.



Modus operandi quo hi potiuntur adhuc inexplicabilis est, quanquam illum explicare frustra tentare philosophi, observatione tamen accurata, experimentis opio factis deducta, promptè inferimus quod in principium vitale edat effectus, et ex sequelis exhibitionis ejus, tam magnis, quam parvis dosibus, concludere licet, in vis a cerebro inseparabilis suspensione consistere effectus, nam illo gradatim exhibito corporis mobilitas pedetentim minuitur, usque ad mortem.

6to. Cupidinum indulgentia ardentium.

Ab omnibus qui hoc tractavere observatum fuit, cupidinum indulgentiam semper comitatam esse a sensuum tam externorum quam internorum hebetudine, et Aristoteles inter primos notabat, omne animal post coitum triste, quinetiam ad hanc opinionem confirmandam, quotidiana non desunt exempla, et si usitato uti licet, ad somnum aptitudo post famem depulsam, non tantum in specie humana verum etiam in animalibus omnibus hoc clarè illustrat. Auctoribus diversis diversae sunt opiniones, de modo, quo haec edunt effectus; et imo compressionis opinione praecoccupati affirmant, ci-

bum ventriculum distendentem, et sic aortam comprimentem sanguinem ultra usitatum in capite congerere, quo cerebro compresso functiones ejus turbantur, et inde oriuntur languor et debilitas. 2do. Existimatum fuit aliis chyli supplementum in sanguinem profluentem et plethoram pro tempore gignentem systema vasculosum adeo distendisse, ut nervos totius corporis compressisset, et inde languor ortus esset. Illius fautores in hoc aequae ac multis aliis votis naturam formare tentant, nam nulla in capite congestionis signa tunc adfunt, vel si essent, illa non potest esse causa, scilicet, aortae compressio ab ventriculo, quia bestiarum positio corporis prona in quibus phaenomenon hocce aequae apparet, illi occasionem non praeberet. Ad hoc vero quod attinet dicere sufficiat, quod haec hebetudo multo antè digestio perfecta est accidit, ergo priusquam chyli separatio fit. Arbitramur igitur has omnes opiniones merito rejici debere, quippe quae ad phaenomena explicanda minime pertinent. Sed ultra probabile est, esse aliquid in sensatione, in irritationis remotione, vel in satietate, quod in somno producendo tam potenter agit, quia confectarium est

non solum unius, verum etiam cupidinum omnium indulgentiae.

7mo. Exinanitiones nimiae.

Cerebri functiones ex corporis aequilibrio vel virium systematis moventium statu illo, qui inter illas et fluida justam fervet trutinam plurimum pendet, et hoc ex fibrae muscularis tono idoneo etiam pendere concessum est, sed quum tensio ad tonum servandum est prorsus necessaria, et quoniam tensio haec est pro sanguinis quantitatis tunc circulum peragentis rata ratione, clare patebit, si tensionis causam aut minuimus vel dimovemus, effectum aut minui vel dimoveri etiam oportet. Hoc benè illustratum est in animi deliquio subitas sanguinis jacturas consequente, in quo stimulus cerebri naturalis subito imminutus, vis nervosae suspensio producitur, quod recumbente corporis positione praevenitur, copiam sanguinis liberiores in caput transmitti sinente.

Causis somni, quae explicatione nobis visae sunt maximè dignae, jam finitis; ad vigiliae considerationem nunc procedemus.

Aliquantulum notabile nobis videtur, quod omnes physiologiae cultores, qui de somno et vigilia



ex professo tractavere, intra somni fines sese perne coercent, et vigiliam tantum leviter tangunt, autumantes, si somnus fatis explicetur, alteram facilem intellectu quia hanc illi adversam, ex causis oppositis necessario oriri oportet. Sed ut vigilia status videtur esse corporis secus quam natura fert, forsan primum habere debet locum; nam si irritamentis externis omnino abstineamus, somnum semper inferimus, e contrario, ex vi aliqua semper vigilia pendet, quae systema concitat nervosum, et in sensorio tales excitat sensationes, quales motum hunc systematis perpetuare propensionem habent; quod nunc considerare oportet; et quicquid systema nervosum irritat vigiliae causa justò aestimetur, inter quas nobis aequum apparebat, sequentes primum tenere locum.

1mo. Impressionum sensationes.

2do. Impressiones sensationem excitantes.

3tio. Calor vehemens.

4to. Frigus.

5to. Cupidines nimiae.

6to. Auctus sanguinis in vasis cerebri impetus.

Nunc ad utriusque considerationem.

1mo. Impressionum sensationes.

Antea diximus sensorii functiones in systemate esse primarias; nam cum nervorum extremis cerebrum undequaque connectitur, ita ut impressione in ulla illorum facta, ad sensorium motus inde propagatur et subinde sensatio oritur, quae fundamentum et fons est omnis voluntarii motus. Irritamenta externa in sensorium tantam exercent vim, ut post applicationem, sensatio vel idea illorum longum permaneat tempus, et pro ratione impressionis, haec animi activitas longum duret vel breve tempus.

2do. Impressiones sensationem excitantes.

Quomodo sensatio, vel mentis actio quaelibet vigiliae favet, jamjam explicavimus, et liquet sensationem existere posse remota impressione, dum continuatur igitur impressio potentior erit sensatio in actione mentis excitanda.

3tio. Calor vehemens.

Supra suggestimus calorem, gradu moderato, ad vitam continuandam pernecessarium esse, ergo ad statum vigiliae, vel excitationis. Hoc diverse agit secundum gradum, nam si in gradu vehementi



applicetur motus systematis sedat, e contrario, si in medio, mobilitatem cerebri adauget, quae se manifestat in cordis et vasorum aucta actione, quae etiam in irritatione cerebro communicanda adjuvat, hinc igitur et inde, inter causas vigiliae justè numeretur.

#### 4to. Frigus.

In causas somni enumerando, memoravimus, frigoris violentos gradus vim vitalem debilitando potissimum edere effectus. Itaque rerum repugnantiam multis videatur ut inter vigiliam efficientes teneret etiam locum. Sed frigoris diversi gradus diversè agunt, et vi debilitanti stimulant evidenter conjuncta frui videtur, quae pro ratione gradus diversas exhibent potentias; e. g. quum corpori applicetur frigus vehemens, vim sedativam tantum evidenter exercet, quia ex duabus potentior est, sed quum in medio applicetur, vis stimulans sedentem superat causa reversa, itaque rebus diversis duas hasce potentias frigus exercere patet.

#### 5to. Cupidines nimiae.

Modum quo harum fruitio somnum producit dudum explicare tentavimus, et satis compertum

est, remotionem stimuli illas consequuti sequelam esse fruitionis, donec igitur fruitio, vel rei inappetentia fit, irritamentorum instar sensorio agent.

6to. Auctus sanguinis in vasis cerebri impetus.

Omnia haec est maxime certa et valida vigiliae causa, et vix explicatione egens, nam cerebro est stimulus tam proximus et directus ut frequentissime delirii est causa, quum igitur in cerebrum ipsum sine partis alicujus interpositione directè agit, valde potenter efficit in vigilia producenda.

Causis somni et vigiliae jam nunc aequè praevissis, in quo ambo consistunt, nobis concludere licet, et liquet, somni causas motum in cerebro minuere, dum illas vigiliae cum directè adaugere, itaque vim nervosam ut originem ex cerebro trahit, in illo, gradibus mobilitatis diversis obnoxiam esse, quibus excitationis, et collapsus nomina, si nobis mutuare liceat applicemus. Hoc magis illustratum erit si status cerebri diversos, eodem corpore, temporibus diversis conspiciamus, et mutationes quas animi affectus in totum systema producant, dum externè applicata quanquam vi stimulante satis praedita nec

cerebrum, nec systema nervosum aequè afficiunt. Sic quibus aut delirium vel mania adsit roboris corporis gradu infrequente gaudent, impressionum quoque vim et somnum resistunt, et haec omnia sensorii statum pari passu concomitantur. Sed quocunque tempore excitationis status collapsui cedit, debilitas, statui praecedenti pari ratione systema occupat, quae medicamenta valde stimulantia ad vim vitae sustentandam desiderant.

Multum inter auctores disputatum fuit an animalium motus vitales, remissionem in somno patiuntur, sed hodie plerique consentire videntur, ut omnes tam hi ex vi cerebri immediata, quam illi ex volitione pendentes officio minuuntur, et equidem quum rem sedulo perpendamus, valde improbabile videtur organa circulatoria, secretoria, vel etiam digestiva hac lege immunia fieri. Et primo, ut cordis et vasorum actio diminuta est, non tantum rationi verum etiam observationi consentaneum est; hoc phaenomenon igitur ex aliquo, vel omnibus causarum sequentium pendere oportet. 1mo, Ex his quae in cor ipsum directo agunt. 2do, Quae primò vim vitalem, deinde cor afficiunt.



Ad primum genus pertinent,

*a* Quantitas sanguinis diminuta, in puncto temporis dato in cor refluens.

*b* Sanguinis vis stimulantis defectio.

Ad alterum vero,

*a* Sensibilitas, vel cordis aptitudo ad motum diminuta.

Cum cordis unaquaeque contractio, ex sanguinis renovato in cava influxu provenit, quod fibras musculares distendendo, aut irritando, in contractionem excitat; in puncto temporis dato, aut quantitas sanguinis minuta, vel vis stimulantis defectio, ad contractionem cor minus frequenter sollicitabit.

Nemo nescit omnia organa vi musculari praedita, mobilitatem, vel ad stimulos sentiendos aptitudinem, ad officium recte peragendum desiderare, sed praesertim cor, et caetera organa, quorum actio ab irritatione directò pendet; si mobilitas haecce igitur minuta est, et irritatio gradu eodem manet, longioris durationis ejus applicatio esse oportet antequam contractionem usitatam promovebit. Causarum omnium quae progressum sanguinis venosum accelerare tendunt, nullae magis potenter efficiunt motum

musculari; positio igitur corporis prona, et musculorum omnium relaxatio, quae in somno obtinet hoc praeveniunt. Nunc ad vim stimulantem. Occasionem postea demonstrandi habebimus, ut ciborum solutio, in somno, magis tarde perficitur, quam in vigilia; et quum actio cordis et arteriarum, ex gradu distensionis plurimum pendet, chyli quantitas tunc in sanguinem profluens non tantum magis, gradatim verum etiam in quantitate minor erit, ergo effectus in systema minus manifesti etiam erunt.

Postremò cum in somno sensuum exercitium aut omnino, vel aliquatenus impeditum, ita sensibilitas cujuscunque organi minus acuta redditur, et quòd mobilitatis defectus cor etiam occupet, inde concludimus. Hoc multo melius illustratum erit, si pulsus arteriarum somnum, et opii exhibitionem sequentem, observaremus: nam pulsus, plenus, et lentus utrumque comitatur; et etiam observatum est, quòd magna vasa sanguinem ad cor ferentia, in animalibus opio aut ullo alio, vi sedativa gaudente, interceptis, sanguine valde impleantur, cujus causa efficiens est actio cordis diminuta, quae accumulationem in magnis illis vasis finit. Sed quanquam dum



vita manet, vis sanguinis refluens, vim nervosam in cor sollicitat, vel ibi in motu continuat, tamen in somno irritamenta externa defunt, quae systema totum movent, et ut omnis causa vel debilitans, vel aliter, systema circulatorium praecipue afficit, sic ut omnes somni causae sunt primi generis, omnino consentaneum est, ut in illud ederent effectus. Ex antea dictis igitur liquet, sensibilitatem totius corporis, per somnum plurimum diminutam esse, ex quo functiones ejus necessario turbantur: quoniam causarum omnium quae cerebrum afficiunt, in ventriculo effectus primò indicantur, par est igitur, ut ejus functiones symptomaticè minuantur: nam quoniam digestio fermentationis specie perficitur, quod liquorem gastricum et salivalem, ad cibum primo solvendum, et deinde in formam farinae aqua subactae redigendum, et non tantum calorem moderatum, verum etiam ventriculi actionem ad ejus dissolutionem, et in intestina tenuia, expulsionem quoque desiderat: cum haec omnia igitur aut parte, aut toto defunt, effectus ex illis pendentes quoque minui oportet; nam quatenus cor-

poris humani secretiones, sunt pro ratione sanguinis quantitatis in organum secretorium tempore dato transmissi, et sanguinis determinatio ad ullam partem est pro ratione auctae vasorum actionis; ergo, quum vasorum actio per totum diminuta est, sequitur quod secretiones omnes quantitate minuantur, et quoniam ventriculus et caetera organa digestionis, cum cerebro tam propè nectuntur, liquet, ut quodcunque hoc afficiet, functiones illorum impediet. Hac argumentatione igitur in liquido est, quod illos qui opinionem contrariam sancire contendunt, ratiocinatio falsa in errorem duxerit.

Solum mihi nunc restat, gratias professoribus hujus almae Academiae reddere, ob beneficia quam plurima non tantum mihi tributa, verum etiam propter permulta patri meo collata, quum hanc partem septentrionalem inviseret, sed praesertim Thomae Hamilton, anatomiae et botanices professori, ob curam non solum paternam qua per triennium, cum nondum aetatem virilem attigeram, me observavit sed quia operam studio-

sè navabat, artis chirurgicae et scientiae medicinalis mihi semina ab primis inferere, cujus fructus, quanquam nondum maturi tamen si unquam maturitatem assequantur, cultorem gratè agnoscent.

F I N I S.

